

محراب

اقتصادی ، اجتماعی ، فلسفی ، تاریخی ، ادبی مجموعہ در
شہیدیلک آبدہ پر نشر اولئور

مندرجات

متفکرلر آراسندہ پریشاتلق محمد امین
اون برنجی عصر ہجریدہ تورک منابع عرفانی و اندرون . . . مفتی اوغلی احمد حکمت
مصر ماصالی و امیر علاءالدینک عشق رؤیاسی قریب حسین
آناطولودہ معدنی صولر م . شرف
و تاریخ حکمت ، دہ صوفیون طاہر عربی
سیاونہ قاضی اوغلی و شیخ بدرالدین شرف الدین
مستصفوہ سوزلریمی ، تصوفک ظفرلریمی الزمیرلی اسماعیل عفی

مصر ماصالی

« مابعد وانها »

نورجهان سلطان بو سوزلری سویلرکن مشلحنی اوموزندن آتهرق باش اورتوسنی
 چیقاردی . صاحلرینک لیل ظلماتی ایچنده، بویته کی کره نلکه بکزه ر کوچوک برألماس
 ییلدیز پارلا یوردی . امیر علاءالدینک جوابنه وقت براقیه رقی شوخ بزادا ایله دوام ایتدی :
 « سویله ییکز باقیم امیرم ، بن کلیه ایدم نه یاپاردیکز ؟ آکلامق ایسته یورم » دیدی . امیر
 علاءالدین کمال وقار وجدیتنه جواب ویردی : « نه یاپاردم بیلیرمیسکیز ؟ نورجهان سلطان ! ..
 بو کیجه ده کلیه ایدیکز ، مکتوبمده عرض ایتدیکم کی یارین عسکر لرمله اشتراک ایده جکم
 محاربه میداننده مظفر اولدقدن صوکره شهید اولوردم ، سزده بنی بردها کورمز دیکز ...
 فقط ، مادام که کلدیکز واطفیکزله بنی احیا ایتدیکز ، بن آرتق یارین محاربه ده مظفر
 اوله جغم وانشا الله غازی اولارق عودت ایده جکم .. چونکه شیمدی حیاتمه یکی بر قیمت
 ویردیکز ؟ سزه متدارم . نورجهان سلطان یا صلامش اولدینی یا صدیق لردن دوغر اولدی ؟
 و امیر علاءالدینه ناز و استغنا ایله تکرار سؤال ایتدی : « کلیه ایدم نیچین شهید اولمق ایستردیکز
 امیرم ؟ » امیر علاءالدین یاواش برسسله و کله لرینی آهسته آهسته تلفظ ایدهرک : « چونکه
 سز بوتون حیاتمسکیز سلطانم ، کلیه ایدیکز محبتکزدن شیمدی کی امین اولیه جقدم .
 کلیه ایدیکز ، سز سز یاشامغه محکوم اوله جقدم ؛ بوا یسه بنم ایچین تحمک فوقنده برشیدر .
 حیاتمه سزدن محروم اوله رقی اضطراب ایچنده یاشامقدن ایسه حربده شهید اوله رقی جتته
 سزه قاووشمغنی ترجیح ایدردم » دیدی . نورجهان سلطان بوسوزلری دیکارکن وجودینک
 خفیف برر عشه ایله صار صیلا یغنی حس ایدیوردی .

اوزاقدن سازنده لر خفیف خفیف اجرای آهنگ ایدیورلر ، آرسلانلرک آغز لردن
 رنگارنگ قطره لر حوضه دوکولمکده دوام ایدیوردی . نورجهان سلطان آرتق ناز
 وادایی ترک ایتمشدی . آلی باشنه دایامش امیر علاءالدینه درین برعشقله ، نهایتسز برمرحمتله
 باقیوردی . اوکنده کی بوزلی شربتی ایتهرک نظرینی امیره دیکدی . « امیر علاءالدین سویلیکیز ،
 بنی نه وقتدنبری ، ناصل و نیچین بویله درین وشدید برعشقله سوییورسکیز ؟ اعترافکیزی
 بوکیجه ، بوراده ایشیتمک ایستیورم » دیدی .

امیر علاءالدین اوتوردیغنی کرسیدن قالقدی ، اطرافنی ، کیجه نلک براقلغنی ، صوکره

تورجهانی اوزون اوزون سوزد کدن صو کر. کلدی آياغنگ آلتندەکی یاصدیغه اوتوردی
وکندی کندینه قونوشور کبی یاواش برسسله « سزه غریب براعترا فده بولنه جفم : بن
سزی غائبانه سویوردوم ، سزی طانیادن سویوردوم خبرم یوقدی ! ایلک دفعه اوله رق
شناکزی تاهندستانده ایشیتدم . اوچ سنه مقدمدی ؛ بر مجلسده بولنیوردوم . جمال وکالکزدن
بحث ایدەرك او یالکیز مهرک سرتاج افتخاری دکلدر ، مخدرات اسلامک سلطانیدر
دیورلردی . بنده اسمکزی سؤال ایتدم « نورجهان سلطان » در دیدیلر . سزی طانیادن
اسمکزک آهنگنه محبوب اولدم . او کوندن اعتباراً سزی دوشونمکه قویولدم ، حتی دها
اوراده ایکن تاجرک برندن بو پارماغنکزدەکی سیاه اینجی بی سزی خاطر لایه رق آلدیم .
پورایه عودتمده نام و شهرتکزی عیوقه چیقارمایان بر فردا ولما دیغنی کوردیم . هرکس سزدن
بحث ایدیوردی . اسمکز هر کره ذکر اولندجه رعشه ناک اولوردیم ؛ روحی تماماً استیلا
ایدن نا معلوم حسی تفریقە باشلادم : سزی شدتله سویوردوم . وصفکزی دیکله دجه
کندیمی غائب ایدردم ، ماصاللردهکی عاشق شهزاده لره بکنزه دیکمی حس ایدردم . کیجه لری
یوباغچه یه چیقار « نورجهان نورجهان سنی سویورم » دییه فریاد ایدردم . ییلدیزلره خطاب
ایدردم : « ای نورلی ییلدیزلر کیدک اوکا سویله یلک که امیر علی نظام الدینک اوغلی اونی
سویور ؛ اوکا قربان اولق ایچین آنجق بر اصرینه انتظار ایدیور . یاز کیجه لری تراچه مده
اوتوررکن شهاب ناقبلرک کچمسنی بکلردم ، نورانی براوق کبی آسمانی قطع ایدرلرکن اونلره
قدا ایدردم : « ای شهابلر ! منیل سراینه نازل اولک و اوراده نورجهان سلطانک پای
لطافتنه بندن بر بوسه حرمت و پرستش کوتورک !... » بعضاً کلستانمک اک منتخب کلرینی
طوپلار و بونلردن بر دمت یاپاردیم ؛ دمتی نیلک جریاننه تودیع ایدەرك « کیت ، منیل
سراینه کیت ، نورجهان بلسکه بو ساعتده صندالده در ، سنی کورور او نادى که بز
عشق کلری یز ، امیر هلام الدینک کلستاننک زینتلری یز . اونک کوکلی بزم رنگمز کبی
آتشیندر . اسمکی ایشیتدی سکا عاشق اولدی ، وصفکی دیکله دی سکا مفتون
اولدی ، نورجهان سلطان امیر من سنی سویور ... ای رنگین دمت منیل سراینه کیت »
ایدردم . اویقوسنرکچن کیجه لرمده کتابخانه مه قاپانیر واوراد سزه شعرلر یازاردیم ! صو کره
صباحه قارشى باغچه یه اینردم ؛ اوراده کللری یاسمنلری قوقلار و اوپردیم . یاپراقلرک آراسندن
وزان ایدن باد صباه دیردم : « ای باد صبا بومعطر بوسه لری طوپلا نورجهانک پنجره سندن

اوطه سته آت ... باغچه نك چيچكلرينه عشقه مدن خبر وير... نورجهان باغچه سنده كنز ركن
كلر ، ياسمنلر ، شويولر ، قرانفاللر ، تركيسلر و خانم اللرى ياواشجه جق : امير علاء الدين
سنى سوييور سلطانم ؛ باد صبا بوسرى بزه افشا ايتدى ، ديه فيصيلدا سينلر ديردم .

ايسته جهانمك نوري سزى كورمه دن بويلا سوردم . كورد كدن صوكره سزى ناصل
سوديكى محقق شعر لرمله افاده ايده بيليرم . بر كون او مجموعه يي ده او قوز و سز سز بودنياده
ياشامق بنم ايچين غير قابل اولديغى آكلارسكز .

نورجهان سلطان . تأثر دن تتره ين سسيلا جواب ويردى : « انشالله چوق ياشارسكز
اميرم . ايسته كلدم ، سزى سوديكمه آرتق اينانديكز ، حربه كيديكز ، مظفر اولكز ،
فقط غازى اوله رق عودت ايديكز . بن سزى خواهشله ، اثياقلا بكليجكم . حربك
نهایتده غازيك رتبه مبعجلاه سنى احراز ايدر منيله كليرسكز و سزه اذن ويريورم ، پدرمدن .
دست از دو اجى طلب ايدرسكز . بن سزه ناصل برخلجان ايله انتظار ايده جكمي تصور
ايده بيليرميسكز اميرم ؟ سزى سومت سعادت ايچنده بر عذاب ايمش ... بر مدت توققدن
صوكره : يارين محقق كيديورميسكز ؟ ديدى . امير علاء الدين نورجهانك اله اكيله رك :
« اوت سلطانم ! فقط مادام كه سز آرتق بنم اوله جقسكز ؛ بن كده انشالله غازى اوله رق
عودت ايده جكم محاربه ميدانه اويلا دليرانه آتيا جقم كه اهل صايب بندن قورقاجقلر .
صولتمك شدنى قارشيسنده تتره يه جكلر ؛ بزملكيلر بيله خيران اوله جقلر . شيمديدن صوكره
اللهك عون و عنايتيله بانا هيچ براوق اصابت ايده من . مكتوبلريكزى يورككمك اوستنده
طاشيورم ، بوندىن دها فسونكار برزره اولورمى ؛ عشقكز ايچمده آلور صاحيور ، بوندىن
دها بارلاق نور اولورمى ؛ وعدكز ورد زبانم اولدقدن صوكره بوندىن دها نافذ بر قوت
اولورمى ؟ ناصل غالب كلييم ، ناصل غازى دونميه يم ؛ مادام كه مكافتم سزسكز جهان
نورم ؟ ديدى . نورجهان سلطان اضطراب درونى صاقلايامدى : « فقط بنى نه قادار
قورقوتديغكزى بيلورميسكز ؛ جساتكز اساماً شهرت شعاردرد ؛ فضله قهرمانلغه نه حاجت
واقعا بن دم بر قهرمان قيزي يم ، فقط اونو تمايك كه الله ايمه سون سزه برشى اولورسه بنم
حالم نه اولور ؟ ... پدرمده حربه كيده جك ، ايكي خلجان اورتاسنده حياتم جهنمى بر
عذابه بكمزه جك ... عجباً بانا اورادن هيچ برخبر كوندرمىيسكز ؟ ديه سئوال ايتدى .
امير علاء الدين نورجهانك قورقوسنى تسكينه چاليشدى : « قورقايكز سلطانم بانا شيمديدن .

صوکره برشی اولماز ... خار، سزه برسطریله یازام. فقط خردن صوکره منیل سراینه کلیر پدریکزه عرض عبودیت ایدرم، دیدی.

نورجهان سلطان مشلحه بوروندی. «آرتق وقت کچیکور، بزمه عودت ایدیم» دهرک سدیدن قالدی واطرافنده کی کوزلکی ذهنته حک ایتک ایستورمش کی هرجهتی آهسته، اوزون برنظارله سوزدی و صنداله بیندی. امیر علاءالدین ده صنداله آتلاهرق قارهیه کچدیلر. جاریله صف، صف دوریورلردی. سازنده لر خفیفجه اجرای آهنگ ایدیورلردی. نورجهان اورتالرندن کچدی و هیسفی - لاملاهرق مدخلدن چیقدقن صوکره مشهور تراجه بی کورمک آرزوسنی اظهار ایتدی. امیر علاءالدین ایله یاواش یاواش اوطرفه دوضرو یورودیلر. سرایک ایچندن کچرکن او یویا قالمش اولان جاریله اویاندیلر و نورجهانک خاکیانه یوزسوردیلر. امیر علاءالدین ایلریله رک تراجهیه چیقدی و نورجهانه «ایشته سلطانم، دایما بحث ایتدیکم تراجه ... شوده معهود رؤیا آلود چام آغاجی ... بانا بعضاً نیننی سویلر؛ ایشته سزی کترین یلکفی بورادن کوزمتله بزم. رجا ایدرم نورم بوراده و داعلاشم» دیدی و نورجهان سلطانی در آغوش ایدهرک اوزون برپوسه و داعله «سفی اللهک برلککنه امانت ایتدم نورم، سنده بانا دطایت که فازی دونهیم» دیدی. نورجهان سلطان کوزلرندن بلیرن یاشلری ستر ایتک ایستدی، فقط موفق اولهمدی. امیر علاءالدین کال تأثرله: «امان بوکوز یاشلری بزم ایچین می سلطانم؟ کوزلریکزه، او سودیکم کوزلریکزه یازیق دگلی؟» دییه سلطانی بیک درلو نوازشله تسکینه چالیشدی نورجهان بر زنجیرله بویتمده طاقیلی کوچوک یازیلی طاشی چیقاردی و اوپهرک علاءالدینک بویتمه طاقیدی: «بو آیت الکرسی در امیرم اوستکدن چیقارمه» دیدی و ال اله باغچهیه ایندیلر و اسکلهیه دوضرو ایلریلدیلر.

اسکلهیه واردقلری زمان امیر علاءالدین نورجهانک النی حرمتله اوپیدی و سزی بوراده کورمک ایچون، خصوصیه بویه کورمک ایچون قالان عمری فدا ایتک لازم اولهیدی هیچ تردد ایتزدیم. بنی نه درجه بختیار ایتدیکز سلطانم» دیدی.

نورجهان سلطان ساکنانه صنداله بیندی؛ قایقچیلر یلکفی آجدقلری صیرهده امیر علاءالدینه دونه رک «نه اولور، سزده بینکده بنی منیه قادار کوتورک. حربه کیدیشکز کوکلی فنا حالدله اوزیور. هیچ اولمازسه برمدت دها یانمده بولنورسکز وینه بوسندال

ایله عودت ایدرسکز . کلیك آمان چابوق کلیك « دیدی . امیر علاءالدین انشراحله صنداله بینمك اوزره ایکن صندال بردنبره قاره دن آیریلدی ودهشتلی بر سرعتله کوزدن نهان اولدی . علاءالدین « نورجهان » نورجهان « دیه فریاد ایدهرک اسکله ده قالدی .

امیر علاءالدین کندی سسیله اویاندی ؛ صباح اولمشدی . طلوع ایدن کونشك ضیالری جام آغاجنك آراسندن تراچه بی تنویر ایدیوردی .
سدرندن فیلا یه رق آیاغه قالدی . کندی فریادی حالا قولاغنده ایدی . او فغان او قادار دلخراش اولمشدی که کندیسنی سرسمتمشدی . کوزلرینی اوغوشدیرارق اطرافه باقدی و آجی بر قهقهه ایله « دینك بررؤیا ایش ايك اعلاا » دیدی و سرایه کیردی .
دوغری اوطه سته چیقارق یازی ماصه سنك او گنه اوتوردی . نورجهانه مکتوب یازیور « نورجهان سلطان » دییوردی ، سزی اوچ کیجه بکله دم ، کله دیکز . حیات ایله محام الکزده ایدی . یاشامغه حریص دکادم ؛ آنجق سزه مشتاقدم . بن شیمدی حربه شهید اولمغه کیدیورم . قسمت بویله ایش ؛ سزی نه قادار سودیکمی وفاتعدن صوکره اکلار سکز .
بنم ایچون صاقین کوزیاشی دوکمه بیکز ، کوزلریکزه ، او پرستش ایتدیکم کوزلریکزه یازیقدر . سزی اتهام ایتیمورم . شیمدی آنجق جلوؤ قدرک صرارتنه کولیورم ، کولیورم ...
میدان حربده سزی دوشونه رک جنك ایدهرک و فراقك بوتون آجیسنی حس ایدهرک دوکوشه جکم ، سزی بر دها کورمیه جکمی خاطرلیه رق اوروشه جقم . نورجهانم سنی سویورم دیهرک شهادته شتابان اوله جقم الوداع سلطانم .

امیر علاءالدین مکتوبی مهرلیدی . صوکره صادق بنده سی رستمی چاغیرتدی . رستم اوطه یه کیرنجه « بورایه باقی رستم ! شاید حربده شهید اوله جق اولورسه م شو مکتوبله مجموعه اشعاریمی کوتورر ، نورجهان سلطانه سن کندک تقدیم ایدرسک ؛ ایشیدیورمیسک ؛ » رستم : « پکی افندمن باشمله برابر فقط الله ایتسون » دیدی . امیر علاءالدین : « کیت خبر ویر ، بن ایکی ساعته قادار حرکت ایدهرک ، جفی حاضر لاسینلر » امرنی ویردی .
رستم اوطه دن چیققدن صوکره امیر علاءالدین بعض مهم ایشلریله مشغول اولمغه باشلادی . وکیللرینی ، معاونلرینی چاغیردی ، صوک تنبیهاتی تبلیغ ایتدی و نهایت حاضر لیمغه قالدی . وقت مقررده سرای خلقی طوپلانمش کندیسنی بکلیورلردی .

آشاعى به اينديكى زمان هېسيه سـلاملاشدى : « اللهه ايصار لادم صاغ اولك ! » ...
وسرايك مدخلنده صبر سزلان سياه عرب آتته ييندى باغچه ده فجمع خلق ايله ده آرى آرى
وداعلاشدقن صوكره « چوق ياشاسين قهرمان اميرمزا » ندالرى ايله قليچ شاقيرتيلرى،
آت كيشنه مه لرى وداوول سسلرى آره سـنده ادير علاء الدين « جنه » را كبا كمال ظنطنه
وداراته عسكر لر ينك باشنده جهاد مقدسه شتابان اولدى .

*
**

حرب، اسلام اردوسنك ظفريله نهايت بولمشدى . نور جهانك پدري سراينه عودت
ايدىوردى . سلطان ده پدري نك وروديني تسميد ايچون شناكلر احضاريله مشغولدى . نور
جهان باغچه ده جاريه ليله برابر سرايى دوناتقى اوزره طويلا دقلى چيچكلرى بويوك
سپترلر دولدير يورلردى . و نور جهان ياسمين دن هاله لر ديز يوردى . ريختيمك ياننده كي
پروازه صاريان ياسـمنلر ك آلتنده كوچوچك ، بوكولش وچاموردن قارارمش بر كاغد
پارچه سى كوردى . مراقله اكيلدى ويردن قالد يردى . بوايصالق كاغد پارچه سنك ايچنه
فوق العاده كوزل سياه براينجى نك صاريلىش اولديغنى كوردى . كاغده بر شيار بازيلى ايدى ،
آجدى وباقدى . امير علاء الدينك يازيسنى طانيدى : « سلطانم ، ياريندن اعتباراً اوچ كيجه
شبراده سزه انتظار ايدى جكم .

مجتكزك بر دليل مطلق اولق اوزره سزدن بولطفى رجا ايدرم . اكر اوچ كيجه
ظرفنده بنى احيا و تشرىف ايدرسه كز حربه كيدر ، مظفر اولور و غازى دونرم ، اكر
اوچ كيجه بلكه دكدن صوكره ده بنى تلطيف ايترسه كز حربه كيدرم و شهيد اولورم . سز سز
حيات بر عذاب دائميدر . صندالكزه بينرسه كز شبرايه بك چابوق و بك قولاي واصل
اولورسكز ... ارتق حيات و متمام الكزده در . بو يوزيكى ده تنزلاً قبول بيورمكزى
استرحام ايدرم . نورم ، جهانم ، جراً تمى عفو ايديكز ، سزه پرستش ايدىورم . »

نور جهان سلطانك باشى دوندى و سنده لى . دوشمه مك ايچون ياسمئلى پروازه
داياندى . باغچه كوزلرى اوكنده دوران ايدىوردى . كوزلر بنى قاپادى ؛ ديمك بوقادار
آرادينى حلاله بولامدينى كاغد پارچه سى بوايمش ... فى الحقيقه امير علاء الدينك بر شى
آتديغنى اوزاقدن كورمش فقط نر يه دوشـديكى بولامامشدى . اوقادار آرادينى حلاله

آنحق بوکون بولوشی قدرک نه غریب بر جلوه سی ایدی ... عجبا ، عجبا ! .. فقط ممکن دکل ، یوق ممکن دکل ، او مطلق غازی دونه جکدی ، اونیه قادار سودیکنی بیلیمورمی ایدی نور جهانک قلبی چارپیوردی ، امیر علامه الدینک شهادتی احتمالی خاطریه کتیردکجه قنالشینوردی . حالا پروازه دایالی دورپیوردی ؛ بو کاغدی ناصل اولجه بولامامشیدی ؟ محقق یاسمنلرک پک صیقی اولان صارماشیقلمی ایچنه دوشمشیدی . صوکره روزکار اونیه چیچکلمی یره دوشوردیکنی کبی دوشورمش اوله جقدی ..

یوق ، یوق اولامازدی ! امیر علامه الدین مظفرانه صاغ وسالم ، غازی اوله رقی عودت ایدمه جکدی . نور جهان سلطان کوزلری آجدی ؛ چیچکلمی براقدی . آهسته آهسته او طه سنه کیتدی پنجره سنک اوکنده اقشامه قادار بر جسم جامد کبی ، بی حس ، بی فکر ، صانک بی روح ... او یله جه اوتوردی . اقشام اوسقی پدرینی استقبال ایچین اشاغی به ایندی . سرای خنجاخنج مسافرلرله دولو ایدی . هر کس نورجهانی تبریک ایدیوردی . شیخ الامرا او غازی محترم کلیورری .

نورجهان سلطان اطرافنده کیلره صولغون بر خنده ایله تبسم ایدیوردی . التفاتلرینه کوچلکله جواب ویریوردی . رنگی اوچوق ، آرقاسنده کی بیاض لباسدن دهاییاضدی . آره صیره پارماغنده کی سیاه اینجی به باقارق عمیق تفکراته دالیور ، پدرینک وردینه انتظار ایدیوردی

بردنبره خارجه بر چیغلق قوپدی : « کلیور ، کلیور ایشته غازیمر کلیور ، دیه دیشاریده کیلر حایقیریورلردی . نورجهان سلطانده اوتوردینی یزدن فیلا یه رقی باغچه یه قوشدی . اختیار امیر آتندن اینیوردی . قیزی اللرینه صاریله رقی « خوش کلدیکز غازی پدرم حمد اولسون بوکونه » دیدی . اختیار غازی سوکیلی کریمه سنی درآغوش ایدمه رک « مژده قیزم مژده ! غالب اولدق مظفرزا ! هم او یله بر مظفریت که ابدیاً تاریخ هیفه لرینه کچه جکدر . اهل صلیب اوردولری بزمکیلره عدداً فائق اولدقلمی حالده بز اولنری پوسکورتدک . فقط اوزون اوزادی ومفصلاً صوکره نقل ایدرم . صوک هجومده اوچ کون اوچ کیجه دورمه سزین محاربه ایتدک ! بزمکیلر آرسلانلرکی میدانه آتیلدیلر ، اوچنجی کون برخیلی تلفات ویردیلر ، پک خلجانلی برآن کچیردک . حق بنده تتره دم ؛ رجسته مجبور اوله جفزه دیه قورقدم . فقط خدایه شکر الک ناکهانی بر صورتده امرامزدن بری برامداد آلا یله

میدان حربہ داخل اولدی ، بزى قورتاردی . فقط قیزم ایجرویه کیرلم ، بزى بکله یئر وار ، دیدی .

پیر محترم و کریمه سی سرایه کیردیلر و اوراده بولنانلرله کوروشدکن تبریکلر و التفاتلردن صوکره جمله سنه خطابا سوزینه دوام ایتدی : « بزى قورتاران اویکیت یوقی ؟ امرامزک اک قیمتلیسی ، اک بلندی ، اک قهرمانی ایدی . افتخارله سویلیه بیلیرم که امدادیه عسکريله اوپله دلیرانه برصولتله میدان حربه آتیلمايه ایدی ، بز منہزم اوله جقدق . نه جسارت ا دشمنه اوپله هجوم ایتدی که بن بیله شاشیردم قالدیم ، عمرمده بوپله قهرمانلق کورمدم ؛ اهل صلیبی قیردی ، دوکدی ، فراره مجبور ایتدی . هیمز حیران ، مہوت اونى کوزمنزله تعقیب ایدیوردق ! نہایت بز ظالب کلدک ، میدان بزمدی . اوپنه قیلیجی النده دلیجه سنه حربه دوام ایدیوردی . اهل صلیک باش قوماندانه دوغرو قوشدی . بر اوروشده قیلیجی قلبنه صاپلادی . باش قوماندان اوراجقده دوشدی اولدی . فقط یاورلری یتشدیلر ، بزمر ارسلانی صاردیلر ، بز اونا یتشمک ایستهدک فقط میسر اوله مدق . چونکه یاننه وارنجه یه قادار سیاه آتی یارالنوب دوشدی . کندیسینده باش قوماندانک یاورلری اوراجقده یتیردیلر . زواللی کنج شهید اولدی . فقط اهل اسلامى شهادتیه تخلص ایتدی . الله رحمت ایلسون نه قهرمان بر چوجقدی . »

شیخ الامرا بو صوک سوزلری سویلرکن سسی ترمیدی . الی کوزلرینه کوتورده رک باشلرینی سیلیدی . سرای خلقی متہیج دیگلیورلردی . نورجهان سلطان پدرینه دوغری بر کرسی چکدی . فازى کرسی یه اوتورنجه کندیسى بر نفس قادار خفیف برسسله « اوشانلی شهید کیمدی ؟ اقدام ، دیه صورتدی . پدری افتخارله جواب ویردی : « اک عزیز ارجا بلرمدن برینک اوغلی ایدی . امیر علی نظام الدینک مخدومی امیر علاء الدین ایدی قیزم ! او ارسلانک اسمنی هیچ بریکز اونو تماییکز اومدار افتخار مزدر . زواللی چوجق ... فقط نورجهان سلطان شیخ الامرانک جمله سنی تماماً ایشیده مدی ؛ چونکه پدرینک کرسیسی اوکنده آپانسز دوشمش ، بایلامشدی . »

